

鄭詩卷八

浙江別王崇賢

黑雲天未厭清江船不開客情春草長國事朔風寒
世長卿枕疑人郭隗堂看君回綵服拜舞興悠哉
避亂安平鎮逢君永夜船何堪萍水跡直落浙江邊天
子今巡幸崆峒積歲年憂念正如搗况聽卜居篇

江上贈毛汝厲侍御之荆湖

浙水重逢地 閩州舊話稠
雷霆喧獨夜 風雨動三秋
騏行堪見雁 鷓擊更優他
時有諫草知 長在陽樓

寄華二

瀟灑顧吏部爲邦日漸多人心興禮樂世事入風波剡
曲舟堪誦濠梁道不磨向來巾子雪堂構合如何

西湖同李水部孟王詹進士泮

春城萬木散晴湖南北高峰相對孤雨後舟航分氣象
年來心跡落虛無只妨魚鳥催人事不厭菩提混世途
小折梅花傷二子竟無秀句吊林逋

同雷克全丁文範董文士西湖泛舟遂歷湖上諸

山

天畔雲烟清不了仲春風日淨巾袍春坊能事稱杯竿
刺史風流擁節旄青柳歲時臨澤國白鷗早晚到江皋
西湖野意元相識佳仗中流興自豪

贈王君善廣在可

謹官道學者正印自文山守黑惟空谷潛身到大還聲
名百世下交誼九垓間因尔懷君子江湖好駐顏

武穆吟

南瞻岳王墳拊心訟宣和四海既無虞法事一何多師
師入帝側胡兵乃星羅舊時張諫議天關語非託但見

戶括金不異士倚戈回首靖靡末志士悲如何

太尉出世姿用兵自神武懷中左氏傳羞與絳灌伍燕
雲唾手得甲卒盡熊虎北開玄冥天南靖朱光土國耻
猶未雪百勝曷足數誓將與諸君痛飲黃龍府不觀顏
昌旗氣已吞胡虜

英雄無奈何氣數乘人事宋德但末光椒房生夢寐北
狩不可返上天有成意壯士自苦心奸臣自長計蠟書
晨到門將星夜墮地平生四字符竟落氣數裏桓桓蜀
武侯殺身志不已

太山三絕句

巨靈盤盤閼闔門日觀峯頭玉冊存黃峴西行看落日
碧霞南面拜元君

秦皇自謂功無量擬揭空碑古帝前磨崖篆篆三千字
何似開元十四年

苦憶太山孫處士春秋三傳尚須縮口今四海無青眼
欲向何門乞俸錢

登太山日觀峯

東嶽乾坤定黃河一綫分日排瀛海浪天入剡門雲

道傷吾志秦碑自多曠未堪疏遠目萬里正夜氛

讀漢書四絕句

鄧禹數言天下計定功端合首雲堂牛鼎終非真會合
中興不復食盭梅

子陵不廢桐江釣才力還堪比傳若漢室規模故人意
只餘糠粃落空談

不及遼東管幼安龍翔鳳舉出人間東京竊笑三君董
風節何裨末路難

建武開關示無外後來夸者却開邊虎頭何物飛食肉

西出庫居三十年

遺忠

問途千里草坂披極白榆林暑雨東方急河泥五月深
何長魚馬港茫茫樹愈高誰何悲切從誰覓賞音

北風

北風天際下舟楫夜相聞白草懸胡月黃沙長塞雲
旂猶小隊虎旅盡高勛崖巉睽乖久人已勒文

隱憂

四海俱疲敝中原且力支路難惟蹭蹬心苦有棲遲草

澤龍初聞天山矢更遺無由濟社稷嗚咽送年衰
出門

去國淹年歲出門仍糾紛未回塞翁馬空有野人芹山
海隨黃霧風雲駐五軍遠愁東方朔談笑諍明君

滄州夏夕

失意對蒲柳滄州昨夜風野雲依暮角客况近秋空同
馬多年病虞卿薄暮窮此生隨造物行止合飄蓬

對月懷閩中諸友

路河今夜月却望晉安城少谷堂猶在東峰花正明旅
愁存世故鄉夢逐人情展轉懷諸子風沙吾獨行

秦陵詩

千林松檜鬱相迴夜風生瀚海哀萬國昔曾瞻氣象
五雲空復護崔嵬古來鳳鳥長難至天上龍髯定不回
苦憶焚香賜第日報恩真愧濟時才

河道

金陵方物上樓舡州縣流傳則例錢聖主戎衣無盜賊
山東河道避水鮮

大田篇

內使調鷹犬呼聲動遠隣萬方多事後千騎入田時關
塞回金氣旌麾把健兒潢溪垂釣者能載副單來
君王提一旅禮法用三驅木落鴻能矯天寒虎在蛄風
塵收猛士騎射踞文儒銳首誰家子人間大丈夫
禁直三千士長寨鎮國旗甲戈迷塞月繒帛款胡兒大
禮初回蹕春原更打圍後車載光寵不敷漢昭儀

夢吾儘可爲余作山中草堂

天末無憂君子山中營我廬江湖無利涉家室安居梅
福機事早鄭慶生計踈京塵今始便騎馬亦樵漁

駕出北平

桑乾西路帶汾河萬米三秋躍馬過雷澤釣絲天上應
瑤池下氣暮來多茫茫禹貢真不有款款祈招亦柰何
幕下少年俱貴連袖中長鉞謾悲歌

送何仲默遊關中六首

跨馬出薊門馬行不旋顧丈夫重高勛狹逕有矩步狹
逕非所遵將子恐歲暮多財乃善賈長袖乃善舞魏魏
西昆丘矯首以延佇

延佇如柰向離居生怨惜輸心風雨夕執手衝路側神

交無古今長道有羽翮晤言念彌久去去結松栢女蘿
乘飄風騰此中垂絕

弱齒逃篇翰中達謝華藻深文用情性警悅日已掃蕭
詔奏虞廷鳳凰出瑯嶼至音動天地和者一何寡求言
承德輝別尔迺草草

登高望咸都送子過易水朔風何蕭蕭黃鵠逝來已看
函列百牢涇渭亘千里西當太白窟代有隱君子長襟
用高義壺遂且遠舉古道有遺編睠爾托經始

崦嵫下西日翳翳風景昏虎豹扼九關廣利那復聞重
華木可惜聖智乃沈淪鷗鷺日連類鸚鵡雜遁其群矢言
引高步行止適時屯

抄秋行終南前括高刺天黃河從天下列宿相勾連何
意紫極北狼嘴張其躔南開盤蠶北山俯卽與鄧廣野
闕無人草生鬱芊芊塵飛苦無象合變會有然行哉
元氣皇圖壽萬年

中秋京華翫月

上谷諸城紫氣通輝輝星月自離宮關山萬馬黃陀北
殿闕三秋白露中大將此時須縛虎侍臣何地合從龍

繩樞甕牖長消息愁絕京華鼓角風

秋晚直南省二首

南宮秋晚直更鼓不勝殘鴻鴈夜仍度風霜天正寒宮
車延北望越客滯南冠三輔胡塵裏聞鷄未敢安

清宵夢不徹鴉啼深樹間羯胡同漢月陵寢在燕山青
草乘時長黃旂何日還因風候邊使咫尺見天顏

九日與倪小野祝姑溪登觀星臺

秋盡繁陰苦不開散愁同立觀星臺日邊闔闔紅雲動
塞上風沙白鳥來秦分正賞薰蒸盛鴈門未見玉童回

百年與尔同羈旅九日徒歌黃竹哀

送汪希會還武昌分題得彭蠡

彭蠡何時定康郎水尚多魚龍冬不蟄日月歲相摩楚
客思芳草江城未凱歌星檣候風色安穩犯鯨波

黃岩黃宗賢爲余築室羽山招與共學方有心事
未果守官鬱鬱輒有東路之思奈故鄉多難欲歸
不可行當赴其招矣記興二首

不分委溝壑上林安一枝官隨年少後拙負故人知
鼎終難就簞瓢定不辭故園方苦亂去採羽山芝

萬事無何有風雲信所爲此生依鮑叔何憂
裏懷長路芙蓉惜後時嗣宗元玩世不恨步其遲

小野堂對菊

小野堂前菊相逢滿意花諸君抱冰雪散地有煙霞
月神猶整當歌影故斜異時追此夕蕭瑟向瑤華

奉禽祝鳴和見贈

一落滄洲懶性便苦吟何有八哀篇美芹但取隣人笑
小草猶慙官長隣白日嘯歌聊自慰赤霄敷業尚茫茫
携琴載酒忘憂得不愛床頭三百錢

佳人篇

扣青壙畔萑繁空谷父頭上金錯釵宛宛鸞鳳舞腰
間碧玉佩始娟下蘭蕙言採草中莖不踐草上露新製
齊紈羽自障復自顧非無合歡被防身密如堵飄風吹
楊花夫君渺何許長恐時易沉裁悲以延佇

贈呂愛員外得勸字

秋雲會崇其呈觀子意彌遠新知何草草半饒迭酬勸同
生不盡歡異世乃增戀直交重意氣豈必首續緣義弟
有遠芳女蘿有深蔓大道淪滄溟相期汎波瀾

芳樹篇

芳樹生廣除蒼蒼正輪囷芳樹不自芳拂拂干紫宸朔
風吹樹巔素雪舒其神今日曷不樂公堂有嘉賓把酒
對蘭楹懼來不能陳微言托哀竹惠心欵以伸

五宮玉嗣歷服神武古絕倫拔劍下公荒裔夷率來臣天
食獻晉刀大宛獻麒麟單于獨犯順戎衣不及晨軍聲
動地起旦日至西秦分金賜五侯衛霍不愛身萬國拜
稽首三祝何諄諄但令修文德王度永無愆

答孫太初見寄

平生孫處士雲水誼難忘遁世思公輩卜居真此鄉名
高多寂寞道在亦剗荆徐福終入海蓬萊意甚長

壽日成禮奉天門

初日鴉啼宮樹林奉天高殿氣駸駸衣冠况值千秋節
犬馬真懸萬國心白羽書來兵未解黃河水落歲將陰
龍旂鳳輦關山道邊事辛勤風雲深

歲晚

鴈去陰山百草生六邊風急翠華行玄冥天外連雲
上谷年來厭甲兵萬古羯胡終不滅三吳財賦已無盈

漢家未罷輪臺役歲晚迢迢江海情

蒼林旗峯

曼倩庵平世揚雲困太玄此生元濩落夫子最相憐跡
逐捐金市心卑扣角篇鯢桓去不遠脫屣歲寒天

早起赴崇陵素飯

晨朝不舉火去扣故人門坐見相忘意終啣一飯恩醞
謀蘇軾婦蔬摘長卿園重穰能看客文章不諱言粗糲
吾豈敢道誼爾應存陶令時獨往杜陵歲七奔從來暑
溫飽以此信乾坤萬事禱孤極元憑好弟兄

月下聽王稚欽彈琴

昭文鼓綵綺六氣指間流王子梅花思飄飄下隴頭月
華終勝雪商意自成秋今夕西方夢佳人不散憂

送陳生赴韶州戎幕三首

閩海三山下韶州五嶺南東風鷓首去長路馬蹄躡
井歌堪聽軍門劍可談丹砂真易得吾欲解朝簪

月下棲烏樹天邊過鴈群生涯隨逆旅幽獨倍憐君百
粵茲多難今時未尚文南遊得蠻府愁殺郝參軍

已息河間變仍麾嶺外旌艱危一命寄牢落二毛生銅

柱時存漢烏巒歲厲兵憑將攻守策恍惚說花卿

讀魏鈺詩

魏鈺新聲出篇篇有古風夜珠光照棄夫馬勢行空
邑宰深相識經生本自窮
昆城依隱地祗憶鹿皮翁

至日長陵陪祀

長陵西接黃花鎮白雪蒼苔夜色遙
陰殿裴龍猶在目
祗待松栢已平霄
愁聞怒風塵起想見千官遷次朝
悵極兩京興廢事
小山何意起漁樵

邊將

十月黃沙動陰山白雪高
胡雛憑剽殺漢馬辟羶臊
王道須無外天戈自有操
莫令耕稼地歲歲泣弓刀

弔劉黃祠

自昔悲歌地劉生有墓祠
祗餘經世志况值諄言時
去國英雄盡還山
事業遲黃金舊堂
北搔首動遐思

寄徐可太黃門

往年遊白下沈愛有徐卿
令弟今相問憐君又堪
星還自照諫草未全行
謝傳東山則秋風社稷情

金司寇芙蓉溪草堂命余題句

綿州城東涪江北芙蓉溪水逼高寒人今未回草堂
花更何年駟馬看雲錦娟娟臨歲暮白鷗散金風
漢庭近事須君子黃髮高歌承露盤

寄汪令希舜

彭門當太白劍閣帶青城此地神仙窟春風秋
花栽欲遍蜀道去還平知爾丹成日變作凌雲清

塞上

沙黃草白雲色寒漢主追胡青海灣後命連催羽林騎
前軍飛度金門關南郊禮樂終廢此符旌旗向日還

李牧昔時惟自守暮年牧馬到陰山

即事

赤縣山河在黃龍沙塞長祗憂胡部落不着解衣裳
騎年不沒單于世世強僕姑寒射月窟葉夜烏霜響
猶深入金稍或轉傷前車未爲遠神武有英皇

送人遊衡山

衡山開漢沔高者祝融峰美尔爲官地看雲長道客
居憂波浪冬日見魚龍定有兵栖客巢君紫蓋松

送龍相赴祭府

去爲朱履客瀟灑向王門君有神仙質官曹公故園乘
風帝子閣種木武陵源莫吊長沙傳荆蠻亂虜

白鶴篇

廣野聲仍度華軒意不忘只疑霄漢遠其奈網羅長宿
處隨駕鷺鳴時學鳳凰終當逢關去天路未翱翔

冬夜過王稚欽

禁木棲烏盡城樓戍鼓催暝移中散駕時據仲宣才道
街吾全不詞場力擬迴清風廣陵散愛尔數能來

蘇蕙娘織錦

扶風蘇蕙娘織錦不下堂朝朝理機杼字字迴肝腸織
就遠寄將夫婿在襄陽解夫婿別有權置妾長門旁新

愛正糾結舊恩一時忘三解仰看天上星環轉如車輪經

緯自有度卑尊豈無倫憑妾手中梭想妾心上焚縱橫
八百字反覆各成言妾心方悔悟君心倘回旋二解蒼蠅

點素縞嫉妬無媿好憶昔君別妾交事何草草君逐曙

臺雲一去斷音耗妾似芙蓉花芳妍向誰道三解朝雲歌

未已隴水鳴不止願作青陵臺同生復同死五解琉璃易

破折紈扇輕一擲生前參避辰死後致魂魄六解白頭且

莫宜紅顏多棄捐安得寶蓮波解妾回文篇蘇

贈汪希周

朔風吹歲花之子意悽光矧茲月初度乃值履長月
筵擊朱絃調急新商發君才當雄飛舉偃溟渤培風
向天池九萬豈天閑終焉到彼岸去去忘其袂北辰久
未安攬槍耀雙闕睇尔弧矢志翻身射星宇大業猶次
且誓言共黃髮

妾薄命

翩翩並命鳥步步相諧悅中道忽分散鳴訴哀以切有
生諒同懽有死願同穴衆雛羽翼短詎忍兩訣絕蘭芳
不如桂荼苦不如蘂妾身未能亡惡此中衰歇雙星下
洞房流景何光潔照見君衣裳不見君顏色重泉曉有
期海水亦有竭巍巍蒼梧山竹淚無時滅

梁之石操上楊國老

梁之山兮岳岳其砥石之磐磐興雲及雨膚合之施其
誰弗被立天之中君子不匱天常西虧地亦東潰我不
尔莫曷其有位太皇時行大浸時滋懷貞用敦君子以
幾

棠陵家觀釋宗林詩書戲為一偈嘲之

蓮社祇能入林公許徑過法衣乘犒佛目動山河五
蘊元空寂三車亦障魔白牛載詞藻西去欲如何

玄明宮行

君不見玄明宮中聚金碧云是權璫結真宅貝闕憑陵
上帝居彤臺照耀長安陌銅龍鑄虎欵飛動至今赤日
風雲黑崖壑天開朔漠搖鯨鯢日吼滄溟又探竒抵見
靈旌集矯首翻詫星辰迫西國祇園應渺茫六朝蕭寺
空千百白龍胡為作魚泣想尔當年勢燿赤木經
方珥音聯絡來童譯分明造化出其手左揮右霍
何不得欲將燕市作蓬山便有神人為驅石好維到死
竟不悟驕奢之末無終極氣數相乘可自由空猶越水
空回頭君不見大市街頭權倖路古來蒸粉誰曾收

寓舍為雪山奉續方薛二子之作

君不見南宮山峇老麻鞋布褐色枯槁萬事都歸泥泥
裏一生但結江山好未即乘牛函谷關尚須跨馬長安
道長安歲暮雪滿城甃雪便築山嶺巖岩跋踞地虎豹
急星躔轉斗山河明王女峯前璫作臺臺煖一夜經

來袍笏真當米芾拜詩篇屢荷鄒陽裁階墀把玩已兩
月皓氣遙遙正相得塵土誰分水雪姿市朝聊寄烟霞
癖未妨頽翳旋補葺時見消融勢充岌嘯月長聞白鶴
回含風豈恨青陽及青陽青陽謾相放金石瑱瑱木波
浪適來天池入厓無何事么麼論消長

贈宋鴻

憐君羽翼晚矯矯若鷺鴻夜躡燕山雪春生楚澤風霄
漢去不極稻梁行處逢邀方倦飛鳥猶自觸罽籠

陪歌

雲鴻下雀羅越客變鸞歌燕歌鼓激烈越客悲奈何長
歌劍斫地短歌疑有豎朔風吹易水四座俱頽泪少年
羞雁脚壯士重意氣拔劍殺仇家生死無顧忌猛虎欲
攫人不擇愚與賢食膽中自知豈避猛虎前出門遠孤
征雄劍終夜鳴胤身脫廬下亡命入幽弁幽弁多豪俠
結交踰平生杯酒接然諾信義何分明白日高漸離跣
聲愴以怛田光為君起片語謀立成荆卿獨怛慨舞陽
乃輔行上馬報仇去土花照青冥秦庭事一就千載揚
令名

游俠篇

長安逢少年，意氣何昂昂。鳴鞭六陵坂，先驅勢正強。飛
途列萬騎，一羽林即饒。吹動地來颯，背若雲翔。面前
五花驄寶馬，金絲鞵腰間。雙龍劍吳鉤，飾英璜。美兒十
四五，藉綺凝素光。行行且游獵，游獵及上陽。張弧向大
漠，忽墜雙飛鷁。持歸平樂宴，家筵歡未央。借問此何誰，
云是漢金張。六年起卒伍，一日傾侯王。文人天帝子，出
入乘金閭。揚箛車綸流，焰爍朝堂逆。鱗不可嬰，大阿
手所將。乃知朱門貴，濫恩胡可量。

沱水三章

仙人騎白豨，遠在蒼梧山。我欲往從之，沱水深以瀾。沱
水深可厲，蒼梧鬱嶺巖。

雲門何皇皇，遠在洞庭岸。我非沱上鳧，日夜汎波瀾。
言采蘋蘩草，思心倏如摧。不見王孫歸，但見章華臺。

鞠歌贈思道

垂桑弓挂蓬矢，旦夕如長鳧。誰將哺爾鳥，來啄粟飛入。
網羅將爾含哺，向溱河河水。漉漉黃沙，淫淫琴絃。自有
心翻奏山水音，流響入明堂。揚爾龍鳳章，但得龍鳳章。

不顧尚書即持歸報爾父母父母之恩安可畢歌黃鐘
鼓朱瑟高堂沉沉射紅日

羽獵謠

君王自擁鸛鷄裘獵騎翩翩畫貴游歸來錫宴傳封拜
狗監鷄坊十二侯

羽林十萬是親軍漁陽鉄騎天下聞厯馬長留太白盟
胡天驚散大羊群

今年天子又行邊勅報搖頭照酒泉乘輿自領驃姚部
內使宣頡九府錢

鄭詩卷九

答曹仲禮見贈

未暇肯劉體逍遙了歲年聊應備土缶豈敢冒朱絃情
性人俱得咸英世不傳從茲習啜啜作用在忘筌

題夏仲昭畫竹

蒼梧春欲至翠篔風雨深雲梢酒不亂流影下湘陰香
矣虞妃淚候裁君子心鳳凰去已久對尔想遺音

南郊改卜陪陳司馬視牲

南苑春風吹暮寒月華光瀉紫芝壇上卿初後中宵出

大祀牛羊隔歲看，早報簡書回。萬乘竟何齋，汰散十官
園丘相，像天威。切猶道胡兒戀克汗。

人日得諸友書七首

歲晚通明閣，登臨念我深。故山歸未得，叢桂蔚森森。
人日雙魚信，遠天黃鳥音。如何莊鳥貴，翻動越鄉吟。

每逢聞地客，數問爾滄洲。搖落意如此，烟波去無由。
傳檣還長擊，高柴未損憂。因風寄幽獨，早晚大刀頭。

聞尔浮南海，鯨波隔歲回。翻將謝傳興，轉作步兵哀。
地到朱方盡，舟從日下來。文州拾箬笠，誰識葛仙才。

五愛方山老巖厓，湛出情成都。賣卜久不道，是君平文
陋。齊梁體音收，正始名赤霄。天驥步他日，與橫行。

女方尋九鯉，余苦憶丹丘。冀茲夾生無盡璠，花采未由
苑。枚封侍牛渚，客星浮香孤。槎外相思天漢流。

不跨山公馬，春今薛老峯。前時歎芝曲，尚繞白雲中。
書漁慚棲棘，泥沙想繫龍。明朝解組去，共醉薜蘿叢。

尔同鄴下士，染翰擅詞場。余豈東方朔，猶含漢署香。
枚身滄海上，得白蓮塘。遲暮思君子，春來數鴈行。

送人遊鄴下

鄴城魏七子文藻亦吾師四杜君今去風流端在茲
荒蕪銅雀榭寂寞武安祠獨有韓陵石黃沙歲歲吹

送人遊吳興

黃龍洞下雲色深
雪水苔溪更隱心
東道若逢孫處士
青春消寄峴山吟

魚鱗城邊望不稀
翠木朱藤蒼畫溪
津吏揚舲倡歌去

溪花十里使人迷

韶州吟二首

聞渡韶陽水
滄涼水更深
嫫媧時入饌
莫作百蠻音

蠻溪楓葉下
蠻女哀歌還
太平無外患
何事百牢關

天姥吟

山人住在天姥陰
憶余曾登天姥岑
雲樓雪磴參差起
下控桃源幾許深

部直

春懷耿不寐
悵望絕京天
鶴到中宵唳
星象萬井懸
雲時少耗郊
禘日虛傳常
想南昌尉
先存諫諍箋

送張汝州

汝水元依洛
嵩山直配天
今君簿領去
羨結山水緣
世

路黃塵裏官曹豈避邊誰能廢組綬鶴去翩翩

得家信

未覺今為是田園報已荒巒雲深結白朔日迫含黃社
稷已如此公卿猶病狂冠裳風一變戰伐意向長將可
加天位勛蕪擬法王甘泉久抗疏不得達明光

聞道

聞道漢天子身封鎮國公家初營上谷臣得賀離宮鉄
券傳何急將軍氣盡雄郊牛凡五卜車駕想河東

送人遊鄴下

浩湯夷亭意經過鄴下來王門占王節春日上新寧遊
子辛多夢高堂候舉杯麤蕪江畔草應挽使船回

送陳思獻赴金陵

昔慕蔡夫子今知陳使君深居避矧弋用志到義文却
向金臺別翻將寶劍分秣陵依隱地養拙壘相聞

河隴

河隴時多事五軍歲幾奔猶聞遣天僕長計向軍門胡
羯方酣戰駢駟盡不存西歸報

天子已到渥洼源

燕京

將軍白馬紫金羈接鞚聯綬御座前並謗異姓稱皇
不用長纓係莫健

緋衣紫甲入東華羯鼓鐃歌散御花邊
燕姬翻泣五雲車

山後諸胡寇朔州君王按劍到邊頭
二月凱歌班土馬

天閑遺却萬華駒

西山襍詩四首

春蒸一到此散愁幽意繁
西湖草已綠南國桂應蒼
殺浮今日山河控北門
時艱羨飛錫來徃給孤園

送日春湖上烟波正渺茫
衣冠非敢倚魚鳥坐相忘
痛飲還山簡招攜有葛彊
濯纓計未得意氣總滄浪

昔日西湖釣

宣皇遊幸來至今鮫室裏
彷彿錦雲開歲月夫容
山龍虎臺東巡志更遠
誰挽八鸞回

西山五百寺多傍北邙
岑土木春岩盡樓臺
海峽皆傳王食地
更豐黃金縱目翻愁極
長安感歲陰

懷昔

諫東巡訓跪午門作

憶昔

先皇帝黃金高築臺劇辛自趙往鄴行復齊來今日風
波事誰當砥柱材金雞遠浩蕩黃雀捨涓埃久見文昌
巨何論國士穴君看黨錮傳千古使人哀

送洪南安

平生洪大理襟直古人心執法漢庭上春風吹六陰一
麾橫浦去相夫庾山深他日逢梅使聽歌行踞吟

伍都憲擬歸田索題

伍公江海思萬鳥父相安擬逐鷓鴣去翻憐鍊牙冠羅
雲樂圃細竹月錦堂寒嬰鑠風應重憂時且據鞍

野江為舒國裳之作

徐穉藏身在南州卧不妨經年歌白石乘月下滄浪江
抱洪都府堂開輜幟庄藍田種有玉磻水釣惟瓊會見蛟
龍起俄驚鷺鶴鶴翔無由相高志把贈芟何裳

題程時言侍御和溪譜

君家好喬木遠影鬱婆娑女桂樹青霄上桃花駭浪多
峯迴日月大地湧星河近閣篁墩譜熱山豈管過

遂客二首送劉伯儒侍御

黃衫白馬簇金臺
逐客飄飄去不回
莫向嶺頭登陸渚
銅環推髻解憐才

尉陀城外汎雲槎
西望峨眉隔木華
若道日南天萬里
歸心一夜過三巴

山人

秘鶴停鸞去不分
玉簫瑤瑟散香雲
日暮天低吹建水
角孫重拜武夷君

新製白氈巾贈昆侖山人二首

細葛新裁白氈巾
風塵把贈武陵人
漁樵早晚相攜去
五色瑤花好自紉

萬里黃河天漢通
昆侖遙帶碧琳宮
青牛已度流沙去
迷作塵傳河上公

周公龍弘治初為慶符令舉職賦詩追憶之

周君為邑日江漢
盡奈麻帝力誰知
識長安無狹斜但
將九溪水頻灌慶符
花遙想彈琴處南風
吹未淫

同心結三章送旗峯子赴齊東

文旌出郭門念子赴齊東
攬衣起躑躅嘆息不得同
風麟久增逝鷄鶴亦避風
具運方險艱去去隨短蓬

短蓬逐晨風轉徙無滯滯我其鴻與燕飛坵一何深雲
臺志莫就奄忽昔與今平生廣陵散寫此歲暮心
歲暮心匪夷哀絃久斷絕與子不殊調胡忍相訣別臨
舊錦綺場子去守饑渴願保金石志憫我勝百結

送入歸渤海

尔去秦臺上秦臺秋正繁城深渤海郡章歇樂陵有蓬
閣風雲至若華波浪翻看君有道氣早晚共騰騫

余侍御珊喜湖

柱史湖邊宅柴扉開曉峯晴天迴鶴鶴暮水迴魚龍
龍身偏穩漁竿意可慵眼中秋浩湯為尔咏夫容

東祭柴門歌陳執之侍御席上與思道同賦

瀛海之濱龍門高萬峯迴合相騰逃歛忽雲氣隨鼇
沙蟠石走地不毛八水東飛滌其下青天白日風雷號
蛟龍窟宅掀夜濤深不可測安可撓天吳海若長眉
豐隆雨師尔所操上天下天直頃刻沾洒后土如瀟
東海仙人騎赤鯉翱翔蓋決三千水下憫濁世意未已
六龍鞭策風雲裏神功一斂容一掃太虛不動民安止
柴門蕭蕭水之溪但見金波墮潭底世人不知柱下史

自暹當年北橋履余也青雲一時士袖中三尺龍之子
只今獲浴若甘沈澤乾坤不交國士耻有往必復自此始
惟願為雲逐君起

題田給事一竹軒

美尔雲霄勢冷然冰王姿空齋寄森爽獨立出喧卑尚
阻瀟湘對終收淇澳詩幔亭霜雪盛應長鳳皇枝

曹仲禮索中云將歸具次燕東王夢澤

元是山人白接離雲透贈女其相疑便從夢澤穿豈少
更歷襄城問具茨

棠陵屋為暑雨所破為作破屋歌次田黃門

南州暑月氣正溽伏雨衣稠盡如灑朱方轉東熱更酷
渴想官冰與夏屋不應天氣反北行苦寒之地炎蒸沃
長安做廬淫雨裏上漏下濕寧安宿方子新類籠鶴亭
鄭生亦失窮援木即官俸薄食指繁原憲終辭九百斛
伏金未伏火未流虞書曆象今難讀安居美衣食古所賤
陋巷簞瓢分須足洛陽杜鵑濕不歸願得羲和宅賜谷

送人之宣州

白也風流處雲山澗意幽茲為死水隱況得敬亭遊挑

李含清夜梧桐下素秋澄江靜何日轉憶宣州
宣城仙聖地山水作名州石控琴高鯉江深謝朓樓白
龍降已久黃鶴喚何由尔去乘雲月飄飄過十州

徐瑞卿給事所藏仲姬墨竹引

田即掉臂登我壇手持一軸青琅玕云是仲姬真蹟留
世間徐卿得之歲應寒烟波淋漓洒不乾蝸蟻蛇蚶古
所難風稍露葉僅尺許遠勢翻在青雲端燕山六月雨
不止暑氣如焚汗如洗那知此君入我側便有秋藪蒼
吾耳偏側未柁洞庭流塵無更憶瀟湘水君不見洋洲

文學士渭川千畝不盈尺筆鋒取自心眼底但見鷹鷂
隨兔起又不見前時蕭協律能工水墨古無匹疎寒不
作筠粉態瘦勁獨得蕭韶骨蕭即丹青又絕筆洋州精
材誰祖述勝國諸賢各種揚只數仲姬入其室至大由
來二百春墨痕縷素看猶浙得非本物自有鬼神護
乃好事者摸擬希其倫於平貌物非物人非人天地亦
到么麼津徐卿画本且莫論眼前萬事誰偽真

南唐後主画竹引

升元閣上作賜宋齊丘

君不見彭城彭奴元姓李卓入徐家稱帝子又不見元

華山下齊丘生晚入南唐作謀士同時契合風塵
昧君臣若魚水淮北初收格闔塵寰宇漫得丹青
元閣上寫墨竹翠葆蕭森鳳毛起手書揮重表
墨淋漓濕祭梓世代相催猶夢幻金陵画餅寧復
王從古多好手人物絢素無不有前有殺武丁物
色惟傳傳君叟後有宋道君鷹犬驕驕終飛走丹
青意氣稍或別治亂興亡一回首彭奴彭奴聽我
歌淇水才賢本衆多但惜九華山不似傳君可呼
嗟乎竹花零亂歲蹉跎鳳皇不來將奈何

送屠文治待御使蒼梧

衰颯仍乖別羈栖幾過後驚駘無孰踏鷹隼肖秋空銅
柱扶桑下鬱林滄海東南征且鄉邑大不類秋蓬

鄉人

令村吾兄弟仲容賢姪行宦情遊里閭人事近陰陽何
路通聞徽中有人戰場應憐起草石竟失沆花堂太乙
長遷次攙槍轉耀芒山河醉眼底別尔思茫茫

不見

年來不見孫明復希褐綸巾何處山長日著書元自得

早時譚翹有餘閒
吳門雪水風塵上
麟閣雲臺天地間
未返初衣重憶女
釣竿何日共潺湲

張子言家移旋覆草

旋覆知名草
秋齋不住花
群芳盡搖落
此地且年華
坐領佳人意
行辭處士家
相看到霜雪
採撿輔丹砂

吾邦

喪亂秋風起
吾邦獨面徒
傷鬢鳥賦不見
釣龍臺少
谷芝仍茁
南昌角正衰
建安七子下
流落仲宣才

送蔣君佩視第還譙

太丘二令子
伯也是難兄
櫛下垂騏驥
存頭過鵲今燕
關共日
後毫社獨歸情
萬國今戎馬
愁雲日夜停

屏息

屏息經綸志
栖遲閭闔雲
風塵夢不解
龍席亂相聞
有還山
夢空餘
謀猷文長纓
繫越頸
感激漢終軍

白紵歌

白紵歌
白紵舞
吳趨青童越素女
翩翩綺袂纓纓風
官轉徵清激楚
玳瑁膏君莫忘
卿雲燦燦世將昌
日時下舒以長
令君黃若樂無疆

蘭陵白紵色勝銀裁絳舞袖當上春調筆若疑
送意尊前未敢覩東宮將明樂不遠主人權笑客忘歸鐘
鼓齊發且復希矯視雲端雙鶴飛

天寧寺餞送林德緒赴武當

襄陽使君今欲東優鉢花下行相逢西山爽氣裊且好
秣陵羽書猶未通征伐亂傳車駕出沅湘亦在風塵
馮良乘馬如可棄傍尔南州桂樹叢

答薛君采見過

薛稷過逢日新詩向我傳聊炊大倉米一誦陝郊篇
宦虛談劍盾時合引年秋風下滄海擲置廣文韞

贈史布周料兵淮楚

白馬清秋出上京勾陳光照亞夫營中原

天子親揮劍南國樓船遠暴兵消息祗愁千里章浦迢
新恨九江城漢家歷數元無極吳楚猖狂終自平

題虎溪三笑圖

東林早錫地宛在昆侖西蓮社誰堪入廬峯不可梯一
空無色相三笑豈菩提便合攢眉去醜醜過虎溪

送林以乘謫夷陵

宜都三峽口遷客意如何落日黃陵廟秋風駭浪多已
響伐鼓蔡江女踏蹄歌莫唱渝州曲後教近汨羅
水部青雲志憂君雙鬢斑同時諫羽獵獨尔窟荆蠻波
撼黃牛峽天連白虎關樞運下客食直以長瑜還

秋月

秋月長安社光清太液池蟾蜍終不滅烏鵲竟何之鐵
騎喧今夜金波及四夷關山正阻絕却向遂中吹

太乙山歌

吾聞終南太乙峯迺在於天都陸海之中巨靈鑿巖負其

天通丹梯直駕大白窻金精及射蓬萊宮西南尔是華
夷闕日月平視如跳丸但見黃河自洎下寶溟齊州九
點翻波瀾鼉擊鯨掀勢何勁三星不度龍沙暝華岳凌
嶺徒自雄羨陂益益虛相映山中之人曼自奇駭巖巖
鷓凌雲逵袖中劍器撥時危林猿臯鶴且莫疑君不見
衛封卿白鹿雲車謁天子問之不啻意何長興亡已落
紋楸裏留侯談咲用漢帝功成麟鳳誰能係孫登長嘯
蘇門山叢似黃鐘動天地達人修身俟世至得新用之
始有濟才多識寡粘封夜尔曹寧竟今之世吁嗟乎終

南太乙長崔嵬虎視龍興安在哉霸王可遠俱塵埃
倘結三花樹從爾黃冠歸去來

崇陵約遊西山病不赴漫會蕪問宗林

嗟尔崇陵客乖期秋獨歸香山有夙諾幽事忽相違
石機心損雲霞朔氣微時時夢魚鳥未返辭蘿衣
昔遊湖上寺猶記釋宗林語我菩提樹恒河深復深
風沙晚識面江海後知音白鶴翩翩去青天何處尋

聞西江亂

乍發洪都使風傳消息回荆吳得劇孟江漢尚深哀
畫角連城動黃衫自將來萬方思係虜寧乏亞夫才

病居讀頌與新詩

伏枕殊方客秋風歲載陰鍊形功不就抵病意何深
稍出詞章網翻為著作活頭風頓覺愈吾只愛陳琳

與崇陵叙別四十八韻

憶昔勾吳日相逢雲水鄉于時最孤寂得汝共翱翔
豈倦登臨費蕪存藥石良三春謝氏猴十度遠台堂大石
留腰帶陽山接羽觴秋風白蓮賦落日洞庭航坐聽吳
趨曲行歌子夜吳時時動星象處處有文章雨多舟楫

討公庭事不妨投膠情最密麗澤意何長作賦相如疾
彈琴宓子臧君才當十倍為宰僅三霜倦見嘉禾出胡
云貝錦張臣皆懷范甯人只妬鄒陽日月難終掩教名
轉益揚幾時停谷鳥獨徃釣溪魴人事亦參錯兵戈逐
喪亡尔歸頻洒血余去苦回腸百粵風塵色三衢荆棘
場棠陵居獨穩太末勢堪傷消息傳誰健艱難到玄芳
鴻飛多不及豹隱但相望己分生無日何期此對牀精
神寧少壯鬢髮各滄浪驟見猶疑夢翻思祗欲狂人情
更憐並天意遂行藏妻子蓋相信形骸真兩忘緇塵心
少稱青眼憫多方管鮑平時義雷陳後代光墮懷吳藻
飾素業畧侯王茲登耀元同志雷霆詎有常賜環憐是月
持節向何邦太液秋風落桑乾木葉黃倏然改節物自
此判參商向秀悲無奈杜陵憂未忘漢皇惟好武堯德
本垂裳欲折淮南馘行穿塚鹿楊追追思汲黯隱隱思
姚長萬騎虛邊戍深宵引御幢恒山窮鳥獸上黨泣靈
漿征伐名雖正巡遊志莫荒紙湏移北極况已復南昌
福德知何處攪搶屢耀芒瑣能憂絕域翻不備蕭牆備
術元迂濶華裾載禍殃申屠甘絕迹大邴尚為郎汪漢

情何極鱸羹興可償歸期晚自計分手各茫茫

十日對酒姚氏園

野老經時病深秋出郭情輒川聊對酒京洛未離榮
水行丹壑餘花藉綺楹松陰立不倦何恨暮濤敲
病跨山公馬秋過習氏池遠天鴻鴈盡昨日菊花期
局翻相惱鷗群捻不疑生涯抱甕外一任隱君為

上毘廬閣

遠上毘廬閣崇高望不稀關山仍此地城關自斜暉
檄流星過行營萬馬圍滄陽暮色至引領翠華歸

閣迥臨虛曠秋高入渺茫燕歌動易水駮骨望昭王日
落城笳起天寒塞草黃揚雄輟宦後空自賦長楊

城戍

戍鼓長鳴夜軍容更入朝北風塵漠漠南討意迢迢
有蒼梧狩能無黃澤謠設方盡王帛八駿自應驕

臺上

塞水波聲蒼宮墻木葉深

君王載戎服歲晚過汾陰白纛風雲氣玄冥鴻鴈音
梁猶有分軒冕意何心祗放中原鹿翻田上花禽愛時

誰問道端合早投簪

送林茂宣大理

君今執法白門西，余亦將隨倦鳥棲。
黃籜為冠芡為服，幾時停棹武夷溪。

武夷溪上水濺濺，東入滄溟天。
漢運萬里裹，糧從汝去垂。搓直到女牛邊。

陳執之宅同諸君酌鞠

祗抱霜雪姿，風沙悵獨悲。
親朋更此地，酌對花枝裏。
里歸心遠，蒲相秋事遲。
東君不相識，只自向華滋。

繡衣都下宅，叢菊好花枝。
延客尊壘罷，良宵風露濕。
娉婷豈自媚，遲暮宛相宜。
故國鰲峯上，繁英今滿籬。

五子

曹王振大雅，抗懷逐梓龍。
江馬亦決驟，連翩乘上風。
汪生何慷慨，接綰首蒼雷。
帝京洛五鳳，翔矯然下梧桐。
和鳴正以則，至音激黃宮。
叔世競蟬聒，置尔荆棘叢。
上林迹若脫，遐趾隨斷蓬。
素絲易以染，姣女難為容。
行矣懿華飾，達人有深衷。

太山五株松，冬夏恒蒼蒼。
涼風日夕勁，散聞一何長。
散

聞曷足貴所貴蒙雪霜東封翳隆爵俛首以矜皇何言
倏幪勛乃見斤斧傷蒼顏日摧頽卒歲增慷慨但令本
根固繁條會有強依依女蘿草永言附遺芳

曉入左掖

禁城萬木下蕭蕭海霧陰連金水橋

七廟衣裳還紫氣九重宮闕自丹青喜聞行部風雲陣
轉憶

先皇鷓鴣朝海內何人憂社稷邇來賢士困漁樵

長安

漁陽上谷古幽州王業千年易水流胡騎遠窺青海月
秦城長建白龍旂愁悶塞生多壘未道蕭牆隱百憂
日短時艱衰病早幾回簪笏夢滄洲

冬日對白菊

白菊塵埃裡脩然澗不緇風霜已大繁桃李競當時水
德元如此花神祇自私邀方對燈燭聊副賞心期

冬日遊翠微至香山晚歸更酌湖上

日暮羣山生彩霞豆黃湖白見天涯關河北繞皇華社
胡隴西連狹道斜共爰樓臺穿錦樹垂看鳥窺亂晴沙

南冠未遂滄洲計
椰葉鷗群近釣槎

正德十四年

君王按劍東南征
錦障黃旗出鳳城
矯矯六飛熊虎士
中原萬里倚戈行

雲中鉄騎獵漁陽
鼙鼓填填夜未央
白馬將軍傳號令
金盤寶篋進靈漿

黃牌使者出行營
選舞徵歌傾衛城
報道儒生飭士馬
南州叛賊一時平

乘黃彫眇躡飛塵
清路人傳天子直
宰相無須保單駕
至尊雄武動如神

順門曉直

城上清鐘散御輝
曙鴉聲動萬竿枝
天迴閣道星辰迥
雲捧乾清歲月遲
內省尚承東闕旨
從官稀見早朝儀
羈孤愁斷周南目
仙仗新傳到具茨

冬日順門陪九卿請駕視牲

春躋復冬初仍瞻白鷺單
禮從郊廟損天入
震離塵江漢
哀戎馬岩堂望諫書
生慚百里子去國意踳踖

雪中遊報國寺

雪裡經過報國寺，燕京氣候欲冬深。
樓臺近引山河，風日初含松檜林。
竝擬散愁聊出郭，那堪痛飲益沾襟。
南巡輅馬今何處，百萬貔貅行路心。

南宮對雪

南宮雪深朝未稀，水廳映日還輝輝。
天寒野鳥濕不下，風急靈鶴今何歸。
袁安閉閣自進退，楊雲著書猶是非。
東帶栖栖豈余志，數年朝士俱戎衣。

送人之鬱林

蒼梧之峯雲萬盤，下控猗猗連百蠻。
莫道蠻方非近地，

日南南是漢閩山。

鬱材東下對拔翠，黑霧沉山日暈黃。
鷓鴣啼上桄榔樹，一寸鄉心出甲長。

南宮歌五首

巴東春水錦江來，流入滄波萬里迴。
樓船細逐江花去，不見瞿塘滬瀨堆。

峽嶺啼過下牢關，雪嶺連天三百盤。
錦官城外西遊客，

白日高歌行路難。

連雲不斷三危路，雄畧猶殘八陣圖。
巫峽劍門天地險，

錦官白帝霸王都

漢東漢西花映渠
浣花草堂今有無
苦憶平生杜陵老
暮年涕泪滿江湖

文園尚憶馬相如
錦水風雲逐駟車
若道君王慕封禪
西京元有茂陵書

送蘇侍御從仁使蜀

駉馬今何去
玄冥歲已殘
風雲行劍閣
鉦鼓動松潘
事在西戎部
功虧舊將壇
懷柔亦邊畧
要識

聖恩寬

依依

獨有南冠客
依依郭氏堂
未酣燕市酒
翻惜隴頭梅
漢戍連城動
胡關千角哀
縣金買駿地
徒使壯心頹

送人之嶺南

蠻江春色接瑤京
江岸桃花流水聲
他日淮禽來謁帝
蓬萊宮畔笑相迎

潮州東門繩徒溪
行路蕭蕭猶狄啼
可耐曩時勾漏令
雲車更度鬱林西

病中嗟六絕

掩書卧玄冥蟋蟀在床頭如何閉閨月耳畔鳴不休
形骸久為累三尸今晏然安得曾仲尼展轉鑿淵
虞卿為著書卒歲坐窮愁那知文字外翻有逍遙遊
有身終是盡學死始長生吾將鍊真性去去凌紫清
愛河易漂弱三山波浪翻不化心丁無得吾今閉吾閨
詩書破我拙聰明多事起那復黜聰明返我混沌子

夢與王陽明論學

美人入我夢惠我白云詞述作何多事經綸非尔時空
齋下烏雀深水伏龍蟠尚愧瑤華贈悠悠江漢思

巴人曲

峨眉山色上青霄白帝祠西巴路遙三月巴江花爛熳
一叢羌笛為停橈

莫詩卷十

人日

人日堂階春雪飛
齋居閉門生事微
仙家栢葉那復有
燕市椒花仍自違
久病坐看時序轉
倦遊漸覺故人稀
閩山越岫堪携杖
猶向風塵緇敝衣

送徐登州問

爾今出守東牟國
余尚依依鸕鷀群
宛洛竟縣高士榻
瑯琊真待子虛文
沙門瑤草祇昨日
海市珠宮空暮雲
只恐飛馭逐仙去
蓬萊迢遞不相聞

畫者

近愛錢塘孫畫師江山花木爛生姿正愁京洛風塵急
却耐龐眉歌紫芝

題呂紀畫鶴

國朝畫禽誰最精四明呂紀推獨步貌出青田一片影
天機物色生毫素霜翎藻質何翩翩月下蒼虬欲上天
半夜狂風吹碧落揚聲直徹廣寒邊鳳凰不來棲鶴悲
似憐獨立羽毛稀若遇遼東丁道士聯袂接翼與同飛

東顧華王

在昔過逢日天台山雪生何期易水上同憶赤霞城杯
動青春色堂空滄海聲終焉謝朱紱携手石梁行

咏安期

人言千歲公昔在阜鄉亭賣藥青海上徒聞千歲名
渠留赤玉馬珎重報秦庭東指蓬萊頂風波連紫冥河津
不可渡誰識安期生

送人之金陵

金陵吏隱去結綬興悠哉滄海東南莫長江巴蜀來白
門萬柳榭嬾嬾接行杯晉室風流在猶傳謝才花繁

佳麗地天近鳳凰臺
祗憶鱸魚美鄉書且暮回

寄安公石黃門

聞君久住成都市
豈爲成都賣卜錢
萬里橋西逢蜀使
問余何事女牛邊

草玄亭下浣花溪
載酒看花隨杖藜
青春不斷黃牛峽
日日思君猿狖啼

湯興

龐公擬向鹿門隱
元亮翻爲孺子謀
千里青山妨墨綬
幾年滄海弄漁舟
堦樓日斷風沙暮
省樹天回關塞秋
歲晚朝班終解去
耦耕隨地得岩丘

送人之贛州

西江兵亂後
作宦意悠悠
祗愛青油幕
高橫白卷洲
風塵都下戰
歲月贛江流
應羨陶皮隱
桃花開未休

林滄洲下第赴荆門

憐君不得意
歸髮忽成絲
更下荆門棹
還聞巫峽悲
禮嚴徐孺榻
榻義重象山祠
應念投竿客
終爲帝者師

送李川父赴沔陽

一杯燕市酒
別爾意難平
嵩嶽宜棲客
沔陽相存匡情甫

風吹錦布遙度竟陵城吳楚兵初解
紉枚道自行如何
歌郢曲祇以觸猿聲宣室思才子
能無召賈生

贈方梅暨

方干樂道處小墅野梅開對客
翻高調飛花片片來蘿
雲蒙卧榻隴日照行杯
不耐王孫思春深未却回

送人之惠州

名家參政下獨覺
神容賢宦轍今何往
卑棲此最便物
情滄海俗天氣百蠻
烟抵近啼猿樹鄉心
日夜懸

馬伯淳西歸

與君同去國別路各悠悠
吾邑東海上終南西雍州
何時報縞帶於此解紆
裘萬事將慈母長歌渭水流

春暮遊城西寺

毘盧千佛閣近在綠雲中
客到虛無岸春歸鷓鴣叢
燕
臺望不及古意渺何窮
擬入東林社殷勤向遠公

山人

呂公嘉遜處雲鳥靜相親
日與嵇中散沈冥山水濱
鴈
蕩斜連海桃源直避秦
齋居易理龍性可能馴

送人下第歸蜀

黃金臺上草已蕪錦官城西花映渠知君賣卜成都去
不羨風雲駟馬車

贈夏桂洲公謹

芳洲桂樹好自攀山人未歸鷓鴣班天香暗結黃金粟
歲歲飛花霄漢間烟霞抵弄丘園色風雨長過龍虎山
草碧淮南定憶汝雲臺錦石喜人還

別平厓

歎下傳詩句滄洲拂釣竿正思龍卧穩翻惜鴈歸難燕
壁雲回合閩關天鬱盤飛騰最隣汝沈慨一彈冠

汝復彈冠出余今解綬回平生一掬泪灑向黃金臺戎
馬東南劇鼓鼙城闕哀無能奏羽獵翻愧子雲才

贈吳生

稻梁荒楚塞鴻鴈尚安歸祗避雲中彈冥冥天外飛子
有鸞鳳質材榆非所依風塵好自惜莫損綵雲衣

山人新爲封君賦贈

念彼南山隱南山鬱自怡時聞春雨外高倡紫芝詞復
鶴心同遠裘羊逕不緇莫嫌兒女笑宮錦照龐眉

我昔遠行邁

我昔遠行邁飄飄度溟渤洪波浩漫漫東下通窮髮遂
山彷彿見鰲足互興沒回瞻赤霞城照耀金銀闕道逢
五行仙姣好若冰雪璘璘白鶴車翩翩逐雲月導我探
魚腸迺得餐玉訣入山採黃芽和之以瓊屑服食引奇
齡秘訣不敢泄歛衽入懷抱三載字未滅歸來歷故都
不復見物色回首望徽音徽音已斷絕桃花源不昧去
矣忘其箴

南歸過姚氏園

雲霞深護芳樹村門巷陰連流水源童子青衿雁齒
丈人黃髮對丘園池間鷗鷺回翔好沙上蘼蕪空翠繁
瀟灑新從栗里去問予松菊舊柴門

昆侖下

君本昆侖客岩扉星漢連流沙拂袖去述作爲誰傳紫
芝秀可掇青牛何當還異時求物色蕭颯白駒篇

安陵阻風

落日安陵上荒蕪望薊丘風沙無晝夜家室此淹留江
漢悲多故干戈賦遠遊河清是何日吾志欲東周

衛河集別

去國心仍苦風塵病未休六飛淹歲月八極想遨遊水
動魚龍夕雲盤鸛鴨秋江山回紫氣沙塞度青牛祗有
簪莖戀聊爲文字留邊心渺無盡寄與衛河流

王右軍

右軍鸞鳳姿初亂寓隆想沉疇乃真覺坦卧亦踈朗臨
池灑妙翰抗意風雲上籠鵝事偶然草經有攸往

南望湖

南望諸湖波映空揚舠東逐芰荷風垂楊亂覆急菰綠
好著魚梁山照中

湖上空波明綵霞逢逢花鼓若爲過雲帆擬挾飛仙去
滄海驚傳銀漢槎

黃河

五月黃河風不迴六鰲東湧雪山來烏檣天轉蛟龍窟
朱道瞿塘瀨灘堆

桃源縣前雷雨急洪河拍天黃霧滌淮南古意正愁日
更著夷歌亂客心

遊金山寺

地控恒沙界峰迴滄海波潮聲未夜壯雲氣殊凌多起

窟存光怪蛟宮湛綺羅黃存蔽江左何日返天戈

上妙高臺

雲海冥冥望不迴鯨波東蹴巨靈開中天樓閣處無雲
南國風烟江漢來世短動經多事自愁長況上望京臺
白門金鼓維揚卒落日空傳黃竹哀

蘭陵贈王誕敷使君

何處見君子蘭陵西上門坐看蒼翠色蔚蔚照熊旂爾
本蜀中彥才如橫海鯤余方聞地隱夢逐故山後驚彼
風雲至潛然廓廟言竝夜弘治籍惟戀

孝陵恩漢主親戎陣書生俎豆存迢迢去佳意一與醉
芳樽

贈杭方伯蕪及東卿提學

邗原循薄宦疏廣已遺榮無復周王獵誰欽釣渭名余
亦武夷去探元學久生逢君五湖畔北眺有餘情

汎舟遊宜興山水將入張公洞東杭氏兄弟

尋仙直探山水窟脫屣何須書畫船遠岫高雲行落日
平蕪大澤失炎天揔聞蔣詡裘羊逕未分嵇康服食錄
翠憤平生最浩蕩來遊五嶽頓能便

觀馬清和所臨元繆伏山涇雜樹詩畫戲爲題句
吳下風流盡此物後來好事更傳真爾輩安身是何處
素草寒零落寄羊神

遊張公洞

阮籍懷廣途盧敖歷四極尚懸壤虫隘或哭周道阮伊
余抱未衷迺沂二子迹北遊費歲年東歸睠幽蹟豈不
念窮路黃鵠有羽翮陽羨山水區西真洞庭側岳靡靡
雜卉菌芝類盈尺昔有攝生者於此鍊金液空莖夙所
慕靈洞本真則寒泉滴不散千歲成瓊碧中有科斗書
漫滅不可識竭來事實探宛若貌姑射豈伊耳目娛但
恐霜露迫緬思縞鳳吹倘值紫髯客脩觀竟十二累累
及八百深功諒難期所志未忍息求服先聖訓至誠裂
金石

其二

乘槎陽羨湖延覽銅官山山氣何氤氳飛嶮巖而盤西
南有乳窟窈窕青雲關條忽蒼靈秘傳聞赤符間七日
混沌死鬼鑿永不刊神竅通十州清淺呈琅玕元陰伏
其下六月冰雪寒仙鼠與石燕倒掛風雷壇仙人度羽

去尚留九成丹爰有好事者累粮澹忘還冥搜了無得
悵然回波瀾余亦採芝徒九載勤登攀九載在旦夕皓
髮凌朱顏尚子旣畢娶坡翁復營田至金貨遺形細故
惡足牽

惠山酌第二泉

惠山好泉品清切錫城隅松石陰堪結蓮蓉翠不孤寺
窟流夜氣沙潤長秋菰筴擊二三子翔風近舞雩

同晉陵諸子遊水西

共有烟霞想言過西水邊辭蘿繖遠近魚鳥入高深花
氣含風滿山堂附郭陰宴酣忘主客誰賦越鄉吟

喜到晉陵郡行逢諸子招竹林初散收槐樹已鳴螭遶
逕馴朱鶴通池接畫橈遥思荷絲條者去作羽山樵

昔余北征孫太初至自湖州送余至姑胥吾惟可
至自三衢送余至攜李不二載間相繼下世重逢

此地愴然傷懷作哭二子詩

憶從把抱三吳去念尔攀翻遠道來此後音塵一哭耳
舊時風雨竟何哉江山祇掛南州劍天地空生諸葛才
攜李姑胥是永別暮雲隣遽動秋哀

西湖過孫山人舊隱昔曾與太初用宿月下步六
橋令僧人弄笛嘯歌爲和回首往事曠然陳迹矣
荒迷更踏西湖路露烏雲棠空六橋涕泪翻悲竹林宴
笛聲月色傍中霄醉歌亂詫魚龍出此地爭傳麟鳳標
今日孤山最孤叔梅花挂樹頽蕭條

讀潯陽歌

青春寄我潯陽曲長路思君鸚鵡洲此日江湖須遠志
浮雲西北有高樓嵇康竟少神仙分尚子仍牽兒女憂
居洛何曾定蹤跡終南渭水入鄉愁

太初定家苦溪云崑
節入洛蹤跡已定耳

陳遂初進士邀宿頽谷草堂夜觀西湖漁火

稅駕歸闈上尋山入浙中客情逢勝友東路任飛蓬夜
艇流漁火秋杯折渚簫巢山聖世事直北大明宮

錢塘映江樓宴坐觀潮

錢王此開濟旋入宋山河潮汐秋來壯雷霆水上多尚
傳江有怒翻恨海無波颯颯殢陵樹悲風日夜過

過孫山人茗溪舊居

耿耿憶孫楚溪邊青竹門未同茗水月竟失漢陰原壽
天真詮外風雲孤夢存平生少谷榻獨下尚誰論

太初嘗
遊至

爲余設山谷山人榻請余
東歸余歸而太初死矣

寄施粵之侍御

南昌隱君子寄迹綠雲端念尔神交久慙余色會難施
之曾至杭見余不獲復送余至
構李不及雖已神交竟無一面此時歌伐木伊昔阻風湍何
日下縣榻相看黃鵠冠

碧崑下小憇望太湖

長夏碧崑好蕭蕭千竹林看山白屋靜鳥鷺古藤陰
澤鷺波在洞庭歸鳥深楚臣新去國漫有卜居吟

謁太初墳

草堂琴瑟罷龍羽化竟何如那復烏藤杖空傳白鹿車
丘亦鐘鼎天地即蘧廬白首林君復終無封禪書
伊昔丘園隱風流誰似君談詩振大雅抗志入高雲
宅擬王官谷山名太白墳寥寥廣陵散定向夜深聞

宿歸雲菴

澤國變元氣名山留晚芳雲藏伏虎寺花近桂瓢堂
鶴飛騰遠漁樵言咲長沉冥達者事散地即慈航

峴山

劉守新作去思碑劉元瑞
爲文撫時興懷漫爲題句

吳興雲水水倒飛上菰下菰歌正悲江漢有誰羊叔子

峴山先勅去思碑

寄赤城諸友

自別赤城去藏身金馬門
葦鱸心獨苦林壑道何真
萬事風波過三年
寤夢存終焉共携手採秀入桃源

贈張南陵

張翰風流在南陵
谿谷間一爲香案吏便得敬亭山飯
飽鱸魚味身隨鷗鳥班
後期望星漢知尔御風還

訪遂初宿南高峰下

天末逢秋驚客心
只看商意動高林
脩篁細葉迎風亂

翠栝繁陰傍石陰
江上釣緡青眼底
年來淨業碧山深

東歸言有王摩詰輞口柴門許獨尋

宿勝果寺

游吳復道越漫宿贊公房
小隱薛蘿密大觀江海長
鉢龍蟠夜壑雲邃語秋堂
稍覺菩提長森森松檜涼

贈秀公

不作尋詩計
沉情日閉關
牛車載上乘
錫杖拄空山
玩世風塵外
放身花鳥間
秋齋食椽栗
見尔好容顏

登御校場下望故宮

萬峯雲木鬱蒼蒼古壘仍存闕武場南渡關河幾眼盡
中原風物百憂傍尚傳草莽開黃屋想見龍蛇繞御床
往事只今俱灑淚兩階干羽意何長

勝果寺秋懷

山寺行逢紅槿花江南風物望中賒
疎雲羅月同秋事
鴻雁鷺鷥亦歲華多病茂陵仍去國
長貧杜曲尚無家
白袍黃帽從吾好歸去滄洲問釣槎

憶思道

近憶棠陵子遷朝定此時肯爲黃歇客
興在白雲司
意氣吾能共江山君最奇
夔龍格心事天意要人爲

黃山雜詩十首

黃山如岱嶽蘿山若梁甫曾顛過
行雲晃晃自太古咸
池蕩初景昧旦河已曙
我夢天都行吟折扶桑樹

燠風熙日南淑景變物色引領望
岩臯光寵徧林薄撫
茲盛農節耨耕及南陌
雖匪康莊衢良用歌帝德

經始朗上原拒菽長如茨
岩霏散叢薄谷風回春安重
伴歌以嬉苦樂中自知
窳生聳忼慨乃作霸王師

黃山莫南服嶭岿分楚望
連峰標天樞結秀極地巖

雞時一鳴高鳥不能上睽茲俯滄海窮歲夢波浪

藍田有嘉植種玉世莫比靈氣紛璀璨熠燿寰區裏珠
碧奴視之琳琅乃支子不遇後車載終伏璫溪水

回溪下釣緡溪水見我志緒風揚伏波波伏風不起中
有雙文魚篋篋不受餌履茲釣鯨鯢拊擊東溟水

園廬春欲至歲事此伊始采芳入曾雲散髮不及理蚕
眠桑柘繁土膏農務起龍闈未敢聞巢父正洗耳

殊灘流湍水壑龍無時陰水流木葉下宛轉歲序陰歲
序條以改卅砂仍費尋蓬閣尚可求去矣極高深

序繼互經巨靈氣啟玄蓋天風散鼓鐘旦夕發清籟日
晏紫芝出山靜幽鳥萃真機秘心賞要在達者會

停雲名重關蘿風墮天聲遐播名山陽允諧真隱情詩
書豁俗韻岩石湛性靈鬱彼漆園篇聊用得吾生

夢黃山梅花

陽湖春動藥珠宮我夢黃山白鶴峰羅浮仙子娟娟下
笑整巫裳風雪中

讀脩遺錄

神堯無信史誰紀革除年龍虎風雲上山河涕泪邊

齊偏守死王魏總知權
三復春秋傳微詞今不傳

同王方湖汎舟鑑湖入蘭亭偶成贈章

木落秦山近草堂
避人仍葺薜蘿牆
知爾經綸數在手
釣船長繫鑑湖傍

鑑湖放船雲霧光
蘭亭八月溪水長
我愛風流王逸少
青山同引碧霞觴

塗山

洛水東行滄海迴
衣冠王帛萬方來
後期獨有防風氏
君看塗山戮將臺

若耶溪

山廻水曲若耶溪
八月荷花光映堤
越女勞歌採蓮曲
江南今有杜鵑啼

禹穴

脫屣行探禹穴靈
萬年鴻寶秘丹扃
梅梁空石空山裏
想見虞廷舊典刑

曹娥廟

東關東偏曹娥碑
今古流傳絕妙詞
洪濤駭浪翻滄海
要識人間孝女祠

劍溪

曹娥江接劍溪流亂石幽花只漫愁劍曲尚疑安道宅

山陰誰上子猷舟

東山東董文王諭德

東山中峰天漢連紫節丹旆共雲烟高卧正懷謝大傳

莫令小草後人傳

清風嶺

清風嶺東雲歷山清風嶺盡明河灣捫崖忽漫雙流沮

日短風塵易滿關

新昌縣曉行

暝發新昌縣晨臨赤土隈秋花隨地有渚鴈與雲來雜

樹炊煙出前溼山照回忽聞歌伐木行路興悠哉

桃源

桃源紅映赤城霞洞口春開度索花擬傍東方曉桃實

不隨劉阮問胡麻

天姥峰

天姥峻嶒不可招雲岩雪壑傍丹霄天台四萬八千丈

俯看飛虹度石橋

石梁寄會稽王山人

石梁跨海與天通千里騎驢識孟公東路寄書王子晉
遲尔緱山緱氏峯

赤城

天台山前黃鵠飛仙人城闕赤霞圍最憐謝女蓬萊去
未識人間馬子微

繡嶺曉行

繡嶺行不極盤山霄漢長誰將釣渭意同寄鴈湖傍野
宿雀芋飯岩居木槿墻晨征莫相失雲氣正茫茫

望鴈

鴈石肯到眼天南秋復涼寧辭北山屐來傍水仙王越
鳥隨風化跡董觸霧黃未須悲道路前是武陵鄉

秋夜偕應黃二子宿靈岩天柱峰大雷雨作

日落風迴天柱陰峰前雲木正蕭森古堂袞袞秋聲淨
求夜雷霆山雨深漠北不聞麟鳳信海濱空寄楚檝心
結廬欲擬南陽卧抱膝長歌梁甫吟

鴈蕩山中

丹崖側疊窺欲頽拊石捫蘿鳥道迴滄海忘長自遠

錦溪秋色是重來
靈秋水激風雲濕
昧谷春生鴻雁回
更上南山望雙闕
悠悠雲氣護蓬萊

龍湫

龍湫瀑流轉怒雷
回風散作靈霧飛
青旻倒挂鴻濛鏡
斷盡天孫雲錦機

沿溪行見白蘋盛開

江深木落見蘋花
子澗秋容尔自佳
不隨穠李分春事
安接寒梅成歲華

富南洲見贈

君今笑入天台山
余亦欲田箕穎間
白日風傳紫芝曲
莫教人識是商顏

委羽

東海龜茲山
聖居琅玕芝草洞
天虛函關色斷青牛駕
委羽忻逢白鹿車

咄咄宿國清寺有懷往事

咄咄長廊下
倡歌誰爲聞
世人皆夢寐之子獨風雲
王淨菩提路
天垂星斗文
猶存頂神呪
至語未曾分

有背師者索題東臬書屋

東臯書屋傍風雲翠篠紅蕖卧典墳請秀於學臺丘
汧水鯢栢恐未聞

讀松江漁翁傳

垂釣松江三十年
澡身浴德意仙仙
那能心跡俱忘後
共女中流歌扣舷

呂微之

平生得意呂夫子
遁迹空山薇蕨春
不分羯胡主中國
獨操魚釣寓經綸

看花

山藤花開紅映衣
看山藉草遲遲歸
錦石無人溪水下
隔花刺船鷓鴣飛

元天台戍婦不知其姓名有殊色千戶長欲奪之
不可盜械其夫陣亡時守囚者頌其係且恤之至
意在婦也久且左其夫令聞之婦婦曰君以妾故
至此妾顧可負君耶遂率兒女自投于百步石崖
下柴立湍激中死數日不仆當路聞者爲釋其妻
囚仍立石旌其烈士在紫陽神化之處今杳然矣
莽也余過天台訪而吊之

台山名姝人共悲殺身千古怨蛾眉不道
折楊夫婿已全歸

天台雜詩五絕

一夜雨聲吹不斷國清寺前溪水鳴欲過天台拾瑞

秋風無限石梁清

赤城雲閉玉真符桐栢宮涵滄海珠早晚移家葛洪井

瑤臺雙闕是仙都

華頂數峰飛刺天長風白日灑雲煙鹿裘行採金明草

奕拍共崖星漢邊

曇花亭前雷雨飛石梁天巧眼中稀素裾綦履沾雲濕
我自天台華頂歸

崩湍轉瀑下龍湫晶銀河綵霧浮履險能無伯昏分
等閒來徃石梁橋

石梁行

陰崖鈺衍氣溟濛山木慘切悲面風石梁駕天幡彩虹
飛流下擣龍光宮上仙之都弱水東彼岸可度天之功
十年尋仙志未已台嶽欣逢羨門子願君啓我元命秘
荷鏡拾草吾不耻桃源洞天春色多尔時到阮今如何

謝安石

江左爭傳謝傅風蕭條猶記薜蘿叢東山第宅遙相問
青海音容迥不同目斷中原深戰伐天回淝水失英雄
最憐基墅荒蕪甚獨望新亭意不窮

李中丞邀遊南高峰與棠陵子同賦

南峯東下對扶桑海霧天風引望長此日登臨成勝會
眼中雲物倏重陽避人鶴鶴遙相過近郭探皇好自蒼
笑把荷衣接豸服狂夫談討只滄浪

答陳勺溪見贈

武原陳仲舉惠我古詩篇讀罷生陰籟知君玄又玄萬
賢惠遠社歸客洞庭船何日尋芳約蓬山種玉田

贈族人栗齋侍御

露公之後世多賢侍御才名英妙年搖見風霜上容色
更期搏擊向秋天

東園

汐口園仍好商於草已蕪誰歌採芣曲高調滿江湖

畫山水圖引

天風盤松翠蛟吼白浪浮山蒼兕走月落不落光射空

道人夢在滄洲東，雲冠雪髻烏皮几。皓首相從只黃綺，
我亦天台採藥師。爲君更話蓬萊水。

劉實夫靜觀樓

劉子昂，邦秀高樓，元氣邊定心還到。眼慧日正行天風，
物無拘碍江山且。歲年平生騰踏志，終要九清淵。

白將軍

將軍山武威，仗劍鎮東陲。氣壓風雲陣，秋生熊虎姿。
長揮白羽扇，且羨銳頭兒。數載傷多壘，雲臺及盛時。

勝果寺幽怨宋陵西來齋諸君子讌集分得眼字

寺閣茲辰會，賓朋盡賢士。燕勝日岩壑，得高眼移。
席竹林晚，題詩花並妍。燕河意緒來，往谷翩翩。

江行

錢塘江浪拍天來，江上節堂芳。節閣開樓臺，鼙鼓時能見。
鷓鴣鷓鴣，整晚自迴。

九日登子陵釣臺

富春山下嚴陵瀨，九日風光興不違。白石滄波元自好，
鳴鷺飛鷺。不知歸南陽文叔，求賢遂相府侯生。識面稀，
王業帝謨俱莫問，百年江海有漁磯。

遊爛柯山同楊節使

太末徐王國青霞洞府名江山共吾子風雨若平生錦
樹岩扉淨秋杯雲鶴明應悲翰蒼蒼者柯爛未忘情

半山寺下峰下天開姑蔑墟地靈苗玉葉神至響臺童未
破人間易先緒石室書山扉入道術歲晚莫踟蹰

風雨過南隴

元亮東歸日長途約正瓊壺辭彭澤未足得匡廬山雨
勢秋崩岷雲陰垂隄關回風鳳閣吾已出生還

九針五曲謁武夷精舍

朝汎碧浪溪名宿隱屏下洞湍激九折泝泝以東注舟
匡宜靈竇推者莫可悟豈伊神理秘諒有鬼物護仙術
非荒唐虛誕有知步海流無窮門直以夫子故依違尚
友心寒莫忍近暮終當據昭曠瞻此結桂樹

雨後登天游觀

幽探尚愛天游觀石磴高盤松杉林鶴馭虹橋今斷絕
黃冠紫屐此登臨千峰雨過玄冥濕列洞雲回元氣深
便欲垂綸釣魚石鸕鷀立滿九溪亭

夜訪建溪歸宗岩宿聽泉閣

葛巾隨地留芳跡，翠壁清林把燭行。山接亭多雲氣
夜來蓬閣動泉聲，名都合有滄洲勝。冬日還知桂樹榮，
白首子真終不改。看雲坐石得吾生。

贈姜逢州

南遷爲隱吏，山水興難降。客至舟青閣，時觀白玉缸。諫
書留御榻，忠政及鄰邦。若訪漢陰老，知余是姓龐。

吳隱君山居

五言慕漢陰，老清修難具。論兒童，少機事。麋鹿到柴門，偷
見幽人古。還聞靜者尊，高賢牀下拜。龍虎鼎中喧，古道

日已來，仙風今空存。縣知出世意，携手入湘源。

李曲江

李詩新，公南遷。百粵州，梅花過。庾嶺沙，滿曲江。頭鵬

運天池，莫忘。早葉秋，丹砂好。寄以早晚，上羅浮。

曲江山水縣，暇日好彈琴。要將流水意，遍作潁川吟。王

風周末異，瘴色日南深。更點分明處，縣知令尹心。

寄倪小野

京華相別後，聞尔亦南圖。笑解銀魚綬，坐分銅虎符。山
蟠五嶺厚，俗到百蠻殊。千里梅花使，春風好寄余。

贈林中丞

矯矯中丞三輔賢
投簪滄海意
循仙高冠大帶
回蠻俗
綠醕黃花照暮年
勲業不談延慶後
兒童唯倡太康篇
紛紛授簡梁園客
未道拔生賦
獨傳

歲晚入鳳陽山治田

幽棲已傍壘山遠
長日翰雲意獨深
滌滌海濤喧未夜
冥冥蘿月散青林
田園春近存生事
鷓鴣天高寄遠心
避地休歌飯牛曲
驚風落木歲方陰